

Na osnovu člana 64. Zakona o Sudskoj policiji u Federaciji Bosne i Hercegovine ("Službene novine Federacije BiH", broj 77/20), na prijedlog direktora Sudske policije u Federaciji Bosne i Hercegovine, predsjednik Vrhovnog suda Federacije Bosne i Hercegovine donosi

PRAVILNIK

O UPOTREBI SREDSTAVA PRINUDE SUDSKE POLICIJE U FEDERACIJI BOSNE I HERCEGOVINE

I. OPŠTE ODREDBE

Član 1.

(Predmet pravilnika)

Ovim pravilnikom uređuju se sredstva prinude, uslovi i način njihove upotrebe, izvještavanje, dokumentovanje, ocjena zakonitosti i pravilnosti, evidentiranje, analiza i posttraumatsko savjetovanje nakon upotrebe sredstava prinude od strane službenika Sudske policije u Federaciji Bosne i Hercegovine.

Član 2.

(Sredstva prinude)

- (1) Sredstva prinude u Sudskoj policiji u Federaciji Bosne i Hercegovine (u daljem tekstu: Sudska policija) u smislu ovog pravilnika su:
 - a) sredstva za vezivanje,
 - b) fizička snaga,
 - c) ručni sprej sa nadražujućim dejstvom,
 - d) službena palica,
 - e) sredstva za privremeno onesposobljavanje,
 - f) službeni psi,
 - g) sredstava za prisilno zaustavljanje lica,
 - h) sredstva za prisilno zaustavljanje vozila,
 - i) hemijska sredstva za privremeno onesposobljavanje lica,
 - j) eksplozivne naprave i druga sredstva za prinudno otvaranje prostorija,
 - k) vatreno oružje.
- (2) Osnovne karakteristike sredstava prinude su definisane propisom iz člana 78. Zakona o Sudskoj policiji u Federaciji Bosne i Hercegovine ("Službene novine Federacije BiH", broj 77/20) (U daljem tekstu: Zakon o Sudskoj policiji).

Član 3.

(Značenje izraza)

U smislu ovog pravilnika, izrazi korišteni u ovom pravilniku imaju sljedeće značenje:

- 1) "Otpor" je verbalna ili fizička radnja lica koje ne postupi po zakonitoj naredbi ili upozorenju službenika Sudske policije.
- 2) "Pasivan otpor" postoji kada se lice stavi u pasivan položaj (legne, klekne, uhvati se za neki predmet i sl.).
- 3) "Aktivan otpor" postoji kada lice pruža otpor upotrebom oružja, oruđa, drugih predmeta ili fizičke snage (otima se, hrva se, gura se, zaklanja se iza raznih predmeta i sl.) ili podstiče druga lica na otpor.
- 4) "Napad" je svaka neposredna primjena sile kojom se ugrožavaju život ili zdravlje službenika Sudske policije, lice prema kojemu se izvršava nalog suda, lica koje službenici Sudske policije štite ili materijalna dobra koja Sudska policija osigurava.
- 5) "Bijeg" je svako udaljenje ili pokušaj udaljenja sa mjesta ili prostora na kome službenik Sudske policije naredio licu da se nalazi.
- 6) "Vatreno oružje" podrazumijeva službeno oružje iz kojeg se pomoću potisnog djelovanja barutnih plinova izbacuje kroz cijev zmo, kugla, sačma ili drugi projektil.

- 7) Izrazi koji se koriste u ovom pravilniku, koji imaju rodno značenje, bez obzira jesu li korišteni u muškom ili ženskom rodu, odnose se jednako i na muški i ženski rod, osim ako kontekst ne zahtijeva drugačije.
- 8) Izrazi koji se koriste u ovom pravilniku, koji su navedeni u jednini ili množini odnose se jednako i na jedninu i množinu, osim ako kontekst ne zahtijeva drugačije.

II. OPŠTI PRINCIPI UPOTREBE SREDSTAVA PRINUDE

Član 4.

(Zakonitost)

Službenici Sudske policije mogu upotrebljavati samo ona sredstva prinude koja su propisana Zakonom o Sudskoj policiji i ovim pravilnikom, radi ostvarenja zakonitog cilja.

Član 5.

(Nužnost)

- (1) Prilikom upotrebe sredstava prinude službenik Sudske policije će za svaku pojedinačnu situaciju procjenjivati da li postoji potreba za upotrebom sredstava prinude.
- (2) U slučaju da potreba iz stava (1) ovog člana, postoji, upotrijebit će ono sredstvo prinude i na način koji odgovara vrsti i intenzitetu pruženog otpora ili napada.
- (3) Upotreba sredstava prinude mora prestati nakon što je cilj postignut ili više nije ostvariv.

Član 6.

(Ravnoteža između cilja i posljedice)

Službenici Sudske policije će uvijek voditi računa o ravnoteži između zakonitog cilja koji se želi postići i posljedica koje mogu nastati prilikom upotrebe sredstava prinude.

Član 7.

(Naređenje i upozorenje)

- (1) Službenik Sudske policije je prije upotrebe sredstava prinude dužan izdati naređenje i upozorenje licu prema kojemu upotrebljava sredstva prinude, osim ako bi to ugrozilo sigurnost službenika Sudske policije ili druga lica, ili to ne bi bilo svrsishodno u konkretnim okolnostima.
- (2) Pod naređenjem i upozorenjem za upotrebu sredstava prinude iz stava (1) ovog člana, podrazumijeva se verbalno upozorenje (jasno i glasno izgovaranje naredbe i upozorenja), kao i vizuelno upozorenje (stavljanje sredstva prinude u položaj za upotrebu, vađenje oružja iz futrole, repetiranje i sl.), odnosno preduzimanja radnji koje prethode upotrebi sredstava prinude.
- (3) Ako lice ne postupi u skladu sa naređenjem i upozorenjem iz stava (1) ovog člana, službenik Sudske policije, ako ocijeni svrsishodnim i pod uslovima iz člana 23. ovog pravilnika, može ispaliti hitce upozorenja.

Član 8.

(Odgovornost)

- (1) Prilikom upotrebe sredstava prinude službenici Sudske policije su obavezni da vode računa o životu, zdravlju i ljudskom dostojanstvu čovjeka i o imovini fizičkih i pravnih lica.
- (2) Službenici Sudske policije će bez odlaganja pružiti prvu pomoć ili osigurati pružanje medicinske pomoći vidno povrijeđenom licu, kao i na zahtjev lica prema kojemu su upotrijebljena sredstva prinude.
- (3) Za svaku upotrebu sredstava prinude Sudska policija će provesti učinkovit i nepristrasan postupak u cilju utvrđivanja zakonitosti i pravilnosti upotrebe sredstava prinude.

Član 9.

(Upotreba sredstava prinude prema životinjama)

Upotreba sredstava prinude prema životinjama koje prijete da ugroze zdravlje i živote službenika Sudske policije ili lica koja

se štite, ne smatra se upotrebom sredstava prinude u smislu ovog pravilnika, ali će o istoj službenik Sudske policije sačiniti službenu zabilješku i dostaviti je prije nego što napusti radno mjesto ili završi smjenu.

Član 10. (Obuka)

- (1) Službenici Sudske policije ovlašteni su da u skladu sa ovim pravilnikom, koriste samo ona sredstva prinude za čiju upotrebu su prošli obuku.
- (2) Službenici Sudske policije su dužni da kroz teoretsku i praktičnu obuku održavaju potreban nivo znanja i sposobnosti za upotrebu sredstava prinude.

Član 11.

(Upotreba sredstava prinude van službene dužnosti)

Upotreba sredstava prinude u vezi sa članom 71. stav (8) Zakona o Sudskoj policiji, ne smatra se upotrebom sredstava prinude po osnovu ovog pravilnika.

III. USLOVI, NAČIN I OGRANIČENJA UPOTREBE SREDSTAVA PRINUDE

1. Uslovi i način upotrebe sredstva prinude

Član 12.

(Uslovi za upotrebu sredstava prinude)

U izvršavanju poslova iz nadležnosti Sudske policije, službenik Sudske policije može upotrijebiti sredstva prinude iz člana 2. stav (1) tač. a) do j), ako drugačije ne može:

- a) da spriječi napad na službenika Sudske policije;
- b) da spriječi napad na lica koje je dužan štiti;
- c) da spriječi otpor lica prema kojemu se izvršava nalog;
- d) da spriječi otpor lica koje ometa izvršenje službenog zadatka;
- e) da spriječi bijeg lica;
- f) da spriječi samopovrjeđivanje lica;
- g) da spriječi prouzrokovanje materijalne štete na objektima i drugoj imovini koju osigurava.

Član 13.

(Način upotrebe sredstava za vezivanje)

- (1) Službenici Sudske policije sredstva za vezivanje upotrebljavaju radi ograničavanja pokretljivosti tijela lica, naročito ruku i nogu.
- (2) Pod sredstvima za vezivanje smatraju se: lisice za ruke, lisice za ruke sa pojasom, lisice za noge, lisice za ruke i noge, plastične zatege i trake.
- (3) Službenici Sudske policije su obavezni prilikom preduzimanja svih operativnih aktivnosti izvršiti vezivanje lica koja su prethodno lišena slobode od strane drugih policijskih agencija ili se operativne aktivnosti preduzimaju prema zadržanim licima, pritvorenim ili osuđenim licima koja se nalaze u ustanovama za izvršenje mjere pritvora ili kazne zatvora.
- (4) Ako službenici Sudske policije nemaju kod sebe neko od sredstava za vezivanje navedenih u stavu (2) ovog člana, mogu za vezivanje lica upotrijebiti i drugo pogodno priručno sredstvo.
- (5) Više od dva lica se neće vezati zajedno, niti će se zajedno vezati punoljetna i maloljetna lica, niti osobe suprotnog spola.

Član 14.

(Način upotrebe fizičke snage)

- (1) Pod upotrebom fizičke snage smatraju se zahvati, udarci, bacanja i druge vještine odbrane ili napada, kojima se lice primorava na poslušnost.
- (2) Kada lice pruža pasivan otpor službenici Sudske policije će po pravilu upotrijebiti fizičku snagu.

- (3) Izuzetno od stava (2) ovog člana, službenici Sudske policije mogu upotrijebiti i druga sredstva prinude, kada upotreba fizičke snage ne daje rezultate.

Član 15.

(Način upotrebe ručnog spreja sa nadražujućim dejstvom)

Službenik Sudske policije može koristiti ručni sprej sa nadražujućim dejstvom onda kada su ispunjeni uslovi za upotrebu fizičke snage, ukoliko procijeni da bi upotrebom tog sredstva postigao zakoniti cilj uz manje štetnih posljedica.

Član 16.

(Način upotrebe službene palice)

- (1) Službena palica se upotrebljava onda kada upotreba fizičke snage nije dala rezultate ili se ista nije mogla efikasno upotrijebiti.
- (2) Pod upotrebom službene palice podrazumijeva se izvođenje blokada i udaraca službenom palicom.
- (3) Službenici Sudske policije, po pravilu neće službenom palicom izvoditi udarce u predjelu vitalnih dijelova tijela, izuzev kada je to neophodno radi sprječavanja napada kojim je ugrožen njegov život ili život drugog napadnutog lica.
- (4) Službena palica se, po pravilu ne upotrebljava radi savladavanja pasivnog otpora, osim ako nema drugih mogućnosti da se takav otpor savlada ili ako prethodna upotreba fizičke snage nije dala rezultate.

Član 17.

(Način upotrebe sredstava za privremeno onesposobljavanje)

- (1) Službenici Sudske policije mogu upotrijebiti sredstva za privremeno onesposobljavanje ako prethodna upotreba fizičke snage i službene palice nije dala rezultate ili se ista ne mogu efikasno upotrijebiti.
- (2) Pod sredstvima za privremeno onesposobljavanje smatraju se sredstva koja proizvode elektro šok i druga sredstva, koja ne sadrže hemijske materije, a svojim djelovanjem kod lica izazivaju trenutnu onesposobljenost.

Član 18.

(Način upotrebe službenih pasa)

- (1) Službenici Sudske policije mogu upotrijebiti službene pse za pronalaženje i hvatanje lica koja se u skladu sa naredbom nadležnog suda imaju dovesti, zbog izdržavanja mjere pritvora ili kazne zatvora, sprječavanje bjekstva osumnjičenih i optuženih lica, kojima je od strane nadležnog organa izrečena mjera privremenog zadržavanja ili mjera pritvora ili osuđenih lica koja se nalaze na izdržavanju kazne zatvora, vršenje osiguranja objekata, sprječavanje otpora ili odbijanje napada na službenika Sudske policije i druga lica koja se štite.
- (2) Službeni psi mogu se koristiti jedino ako su obučeni za obavljanje određenih službenih radnji i ako ih vodi obučeni službenik Sudske policije - vodič pasa.
- (3) Službeni psi upotrebljavaju se sa zaštitnom korpom ili bez nje.
- (4) Službeni psi bez zaštitne korpe se upotrebljavaju kada su ispunjeni uslovi za upotrebu vatrenog oružja, a sa zaštitnom korpom kada su ispunjeni uslovi za upotrebu drugih sredstava prinude.
- (5) Upotreba službenih pasa za pronalaženje eksploziva i eksplozivnih sredstava ne smatra se upotrebom sredstava prinude u smislu ovog pravilnika.

Član 19.

(Način upotrebe sredstava za prisilno zaustavljanje lica)

- (1) Službenici Sudske policije sredstva za prisilno zaustavljanje lica upotrebljavaju za zaprečavanje prodora lica u objekte koji se osiguravaju, kao i na određeno mjesto ili prostor koji

u cilju izvršenja službenih zadataka osiguravaju službenici Sudske policije.

- (2) Sredstva za prisilno zaustavljanje lica su zaštitne ograde i druga priručna sredstva.

Član 20.

(Način upotrebe sredstava za prisilno zaustavljanje vozila)

- (1) Službenici Sudske policije sredstva za prisilno zaustavljanje vozila mogu upotrebljavati radi sprječavanja bjekstva lica koja se u skladu sa naredbom nadležnog suda imaju lišiti slobode zbog izdržavanja mjere pritvora ili kazne zatvora, sprječavanja bjekstva osumnjičenih i optuženih lica kojima je od strane nadležnog tužilaštva ili suda izrečena mjera privremenog zadržavanja ili mjera pritvora ili osuđenih lica koja se nalaze na izdržavanju kazne zatvora.
- (2) Za prisilno zaustavljanje vozila koristi se bodljikava traka, koja se postavlja poprečno na kolovoz ili drugi prostor sa ciljem da se vozilo prinudno zaustavi.
- (3) Ako službenici Sudske policije u konkretnim okolnostima ne raspolazu sredstvom iz stava (2) ovoga člana, za prisilno zaustavljanje mogu koristiti zaštitne ograde, službena vozila, rampe i druga pogodna priručna sredstva.
- (4) Ispred mjesta na kome se postavlja sredstvo za prisilno zaustavljanje vozila na odgovarajućoj udaljenosti pored puta, moraju se postaviti odgovarajući uređaji ili saobraćajni znaci, a po potrebi i odgovarajući svjetlosni uređaji, u skladu sa propisima o sigurnosti saobraćaja na putevima.

Član 21.

(Način upotrebe hemijskih sredstava za privremeno onesposobljavanje lica)

- (1) Pod hemijskim sredstvima za privremeno onesposobljavanje lica smatraju se sredstva za raspršivanje hemijskih materija, i to: puške i pištolji za ispaljivanje hemijskih metaka, hemijske ručne bombe, hemijska tromblonska mina, hemijski raspršivači.
- (2) Hemijske materije su materije sintetičkog, biološkog ili prirodnog porijekla, koje svojim djelovanjem kod lica izazivaju trenutnu onesposobljenost.
- (3) Hemijska sredstva se mogu upotrijebiti samo po odobrenju direktora Sudske policije ili drugog rukovodioca Sudske policije, koji je za to ovlašten od strane direktora Sudske policije i to ako se sa upotrebom blažih sredstava prinude ne može postići cilj ili se ista ne mogu efikasno upotrijebiti.
- (4) Prije upotrebe hemijskih sredstava za privremeno onesposobljavanje lica, o tome će se zavisno od mogućnosti, upozoriti lice prema kojemu se koristi i pozvati da postupi po izdatom naređenju. Ako to ne učini i nakon ponovljenog upozorenja, upotrijebit će se hemijsko sredstvo.
- (5) U zatvorenim prostorijama hemijska sredstva za privremeno onesposobljavanje lica mogu se koristiti samo radi savladavanja otpora lica koje se sakrilo ili zabarikadiralo i prijeti ili drži taoce u prostoriji ili pruža otpor upotrebom vatrenog oružja, opasnim oruđem ili drugim opasnim predmetom.
- (6) Ako se u prostoriji ili objektu u kome se zabarikadiralo lice iz stava (5) ovog člana, nalaze kao taoци i druga lica, službenik Sudske policije koji donosi odluku cijenit će sve konkretne okolnosti i odlučiti o tome koja će hemijska sredstva upotrijebiti i na koji način.
- (7) Za upotrebu ručnog spreja sa nadražujućim dejstvom koji lično duže službenici Sudske policije, nije potrebno odobrenje iz stava (3) ovog člana i ona se koriste u skladu sa članom 15. ovog pravilnika.

Član 22.

(Način upotrebe eksplozivnih naprava i drugih sredstva za prinudno otvaranje prostorija)

- (1) Eksplozivne naprave su posebno osmišljene i izrađene naprave koje sadrže eksplozivne materije i sredstva za njihovo aktiviranje.
- (2) Druga sredstva za prinudno otvaranje prostorija su posebno izrađeni taktički setovi i druga pogodna sredstva za nasilno otvaranje prostorija.
- (3) Eksplozivne naprave i druga sredstva za prinudno otvaranje prostorija koriste se isključivo za prinudno otvaranje prostorija.
- (4) Eksplozivne naprave i druga sredstva za prinudno otvaranje prostorija, po pravilu se ne koriste sa ciljem nanošenja povreda licima.
- (5) Eksplozivnim napravama mogu rukovati samo službenici Sudske policije koji su za to posebno obučeni.

2. Uslovi i način upotrebe vatrenog oružja

Član 23.

(Uslovi za upotrebu vatrenog oružja)

U izvršavanju poslova iz nadležnosti Sudske policije, službenik Sudske policije može upotrijebiti vatreno oružje, ako drugim sredstvima prinude ne može:

- zaštititi svoj ili život drugog lica, a trenutne okolnosti ukazuju na direktno prijeteću smrtnu opasnost ili nanošenje ozljede opasne po život ili zdravlje;
- odbiti neposredni napad kojim se ugrožava njegov život ili život drugih lica koja je dužan štiti;
- odbiti neposredni napad na objekat koji je dužan štiti, ako se tim napadom ugrožava njegov ili život lica koja je dužan štiti;
- sprječiti bijeg osumnjičenog, optuženog ili osuđenoga, ako posebne okolnosti ukazuju da će to lice ugroziti živote drugih lica.

Član 24.

(Opasnost po život ili zdravlje)

Opasnost u smislu člana 23. tačke a) ovog pravilnika, postoji ukoliko okolnosti konkretnog slučaja ukazuju da lice posjeduje vatreno oružje, imitaciju vatrenog oružja, eksplozivnu napravu ili drugo oružje ili oruđe opasno po život ili zdravlje i da će ga upotrijebiti.

Član 25.

(Neposredan napad)

Neposrednim napadom u smislu člana 23. tač. b) i c) ovog pravilnika, smatra se istovremeni protivpravni:

- napad vatrenim oružjem potezanjem vatrenog oružja;
- napad oruđem ili drugim opasnim predmetom;
- napad koji istovremeno vrše dva ili više lica;
- napad na mjestu i u vrijeme, kada se objektivno, ne može očekivati pomoć;
- napad očigledno fizički snažnijeg lica ili lica koja se služe posebnim vještinama.

Član 26.

(Upotreba vatrenog oružja pri sprječavanju bijega)

- (1) Pri sprječavanju bijega iz člana 23. tačka d) ovog pravilnika, službenik Sudske policije će pokušati da zaustavi lice koje bježi izdavanjem usmene naredbe: "Stoj, Sudska policija!".
- (2) Ako lice ne postupi po naredbi iz stava (1) ovog člana, službenik Sudske policije će izdati usmeno upozorenje: "Stoj, pucat ću!", pa ako lice ne postupi po upozorenju, službenik Sudske policije će upotrijebiti vatreno oružje.
- (3) Noću, u gustoj magli, na nepreglednom terenu ili u šumi, kao i kada lice bježi prema šumi ili u pravcu objekta gdje se

može sakriti, vatreno oružje može se upotrijebiti nakon što lice nije postupilo po usmenoj naredbi iz stava (1) ovog člana.

- (4) Službenik Sudske policije će pri upotrebi vatrene oružja dati licu dovoljno vremena da postupi po naredbi ili upozorenju.
- (5) Ako lice bježi prema okupljenim građanima, a postoji opasnost da bi neko od građana upotrebom vatrene oružja mogao biti smrtno ugrožen ili povrijeđen, službenik Sudske policije ne smije upotrijebiti vatreno oružje.

Član 27.

(Pojam upotrebe vatrene oružja)

Pod upotrebom vatrene oružja u smislu ovog pravilnika smatra se usmjeravanje vatrene oružja prema licu.

Član 28.

(Traženje pomoći)

- (1) Upotreba vatrene oružja pucanjem u vazдух radi signalizacije i traženja pomoći, ne smatra se upotrebom vatrene oružja u smislu ovog pravilnika.
- (2) U slučajevima iz stava (1) ovog člana, službenik Sudske policije će sačiniti službenu zabilješku i dostaviti je neposrednom rukovodiocu prije nego što napusti radno mjesto ili završi smjenu.

3. Ograničenja upotrebe sredstava prinude

Član 29.

(Ograničenja upotrebe vatrene oružja)

- (1) Upotreba vatrene oružja nije dozvoljena ako bi ugrozila živote drugih ljudi, osim ako je to jedini način odbrane sebe ili drugoga od izravnog napada ili opasnosti.
- (2) Službenik Sudske policije ne smije upotrijebiti vatreno oružje protiv vozila ili plovila u pokretu, osim, ako se to vozilo ili plovilo koristi kao sredstvo neposrednog napada prema službeniku Sudske policije i licu koje se štiti ili ako je to neophodno radi sprječavanja neposrednog napada u slučaju pucanja iz oružja na službenika Sudske policije, lica koje se štiti ili šticeenog objekta pod uslovima iz člana 23. tačka c) ovog pravilnika.

Član 30.

(Upotreba sredstava prinude prema nemoćnim)

- (1) Sredstva prinude se ne mogu upotrijebiti prema maloljetnicima, očigledno bolesnim, starim i iznemoglim licima, teškim invalidima i ženama čija je trudnoća vidljiva.
- (2) Izuzetno od odredbe stava (1) ovog člana, službenici Sudske policije mogu upotrijebiti sredstva prinude i prema tim licima, ako neko od tih lica vatrene oružjem, oruđem ili drugim opasnim predmetima neposredno ugrožava život ili zdravlje službenika Sudske policije, lica koje se štiti i lica prema kojemu se izvršava nalog suda.

IV. INFORMISANJE, IZVJEŠTAVANJE I DOKUMENTOVANJE

Član 31.

(Informisanje o upotrebi sredstava prinude)

- (1) U svim slučajevima kada službenici Sudske policije upotrijebe sredstva prinude dužni su odmah usmeno informisati operativnog dežurnog u sjedištu osnovne organizacione jedinice.
- (2) Izuzetno od stava (1) ovog člana, službenici Sudske policije nisu obavezni odmah informisati u slučaju iz člana 32. st. (3) i (4) ovog pravilnika.
- (3) Operativni dežurni iz stava (1) ovog člana, će odmah po saznanju za upotrebu sredstava prinude obavijestiti nadređenog rukovodnog službenika Sudske policije i Odsjek za operativno dežurstvo i koordinaciju Sudske policije.

- (4) Operativni dežurni iz stava (1) ovog člana će u koordinaciji sa nadređenim rukovodiocem organizovati preduzimanje potrebnih mjera i radnji (pružanje pomoći službenicima Sudske policije, pružanje medicinske i druge pomoći, osiguranje mjesta događaja, obavještavanje nadležnog tužioca ili nadležne policijske agencije, preduzimanje radnji koje bi mogle biti neophodne za ocjenu zakonitosti i pravilnosti i dr.).

- (5) Odsjek za operativno dežurstvo i koordinaciju o događaju odmah obavještava Odsjek za unutrašnju kontrolu.

- (6) O upotrebi sredstava prinude koja su za posljedicu imala teške povrede ili smrt lica, kao i o svakoj upotrebi vatrene oružja službenici Odsjeka za unutrašnju kontrolu odmah obavještavaju direktora Sudske policije.

Član 32.

(Izveštaj o upotrebi sredstava prinude)

- (1) O svakoj upotrebi sredstava prinude u skladu sa ovim pravilnikom, službenik Sudske policije koji je upotrijebio sredstvo prinude i koji je izdao naređenje za upotrebu sredstava prinude, dužan je podnijeti pismeni izvještaj, prije nego što napusti radno mjesto ili završi smjenu u toku koje je došlo do upotrebe sredstava prinude, a u izuzetnim slučajevima najkasnije u roku od 12 sati od završetka smjene u kojoj su upotrijebljena sredstva prinude.
- (2) Izvještaj o upotrebi sredstava prinude iz stava (1) ovog člana, se podnosi za svaku konkretnu upotrebu jednog ili više sredstva prinude od strane jednog službenika Sudske policije prema jednom licu.
- (3) O upotrebi sredstva za vezivanje, kada se ona upotrebljavaju u skladu sa članom 13. stav (3) ovog pravilnika neće se sačinjavati izvještaj, ali su službenici Sudske policije, upotrebu sredstava za vezivanje, obavezani evidentirati u službenom izvještaju, koji sačinjavaju po osnovu radnog naloga za izvršenje konkretnog zadatka.
- (4) Izvještaj o upotrebi sredstava prinude se neće sačinjavati ni u slučajevima kada su sredstva za vezivanje upotrijebljena prema licu koje se sprovođi nakon lišenja slobode iz člana 21. stav (1) Zakona o Sudskoj policiji, ali su službenici Sudske policije upotrebu sredstava za vezivanje, obavezani evidentirati u službenom izvještaju.
- (5) Ukoliko je službenik Sudske policije koji je upotrijebio sredstva prinude zbog povrede onesposobljen ili onemogućen da podnese izvještaj, izvještaj na osnovu raspoloživih podataka podnosi neposredno nadređeni rukovodilac u roku utvrđenom u stavu (1) ovo člana.
- (6) Službenik Sudske policije iz stava (4) ovog člana, koji je upotrijebio sredstva prinude će podnijeti izvještaj o upotrebi sredstava prinude kada za to bude sposoban.

Član 33.

(Sadržaj izvještaja o upotrebi sredstava prinude)

Izvještaj o upotrebi sredstava prinude sačinjava se na obrascu iz priloga 1., koji je sastavni dio ovog pravilnika, sljedeće sadržine:

- a) Identifikacioni podaci o službeniku Sudske policije koji je upotrijebio sredstva prinude;
- b) Datum, vrijeme trajanja i mjesto upotrebe sredstava prinude;
- c) Poslovi Sudske policije prilikom kojih su upotrebljavana sredstva prinude;
- d) Identifikacioni podaci o licu ili licima prema kojima su upotrijebljena sredstva prinude;
- e) Uslov za upotrebu sredstava prinude;
- f) Vrsta pruženog otpora;
- g) Vrsta upotrijebljenih sredstava prinude;

- h) Priroda i težina tjelesne povrede nanosene licu prema kojemu su upotrijebljena sredstva prinude i datum, vrijeme i mjesto pružene medicinske pomoći;
- i) Priroda i težina tjelesne povrede nanosene službeniku Sudske policije i datum, vrijeme i mjesto pružene medicinske pomoći;
- j) Podaci o pričinjenoj materijalnoj šteti prouzrokovanoj uslijed upotrebe sredstava prinude,
- k) Identifikacioni podaci o svjedocima događaja;
- l) Podaci o obavještanju nadležne policijske agencije, tužilaštva i o izvršenom uviđaju na licu mjesta;
- m) Činjenični opis upotrebe sredstava prinude;
- n) Datum, vrijeme podnošenja i potpis podnosioca izvještaja;
- o) Datum, vrijeme pregleda i potpis rukovodnog službenika i
- p) Napomene.

Član 34.

(Dostavljanje izvještaja)

Rukovodilac osnovne organizacione jedinice će pregledati i potpisati izvještaj o upotrebi sredstava prinude, te će u roku od 24 sata od završetka smjene u kojoj su upotrijebljena sredstva prinude, odnosno prvog sljedećeg radnog dana primjerak izvještaja o upotrebi sredstava prinude sa kratkom informacijom o događaju putem direktora Sudske policije dostaviti Sektoru za profesionalne standarde i unutrašnju kontrolu.

Član 35.

(Utvrđivanje činjeničnog stanja)

Nadležni rukovodilac organizuje ili neposredno provodi radnje za utvrđivanje činjenica u vezi upotrebe sredstava prinude koje obuhvataju:

- a) prikupljanje dokumentacije vezane za upotrebu sredstva prinude (npr. naredba suda, raspored službe, radni nalog, plan operativnih aktivnosti, izvještaj o upotrebi sredstava prinude, službene zabilješke, potvrde o privremeno oduzetim predmetima, foto dokumentacija, tonki i video snimci i dr.);
- b) prikupljanje obavještenja i uzimanje izjava na zapisnik od lica prema kojima su upotrijebljena sredstva prinude i drugih lica koja mogu dati korisna saznanja o upotrebi sredstava prinude (ukoliko su lica svjesna, komunikativna i dostupna), a nemogućnost obavljanja neophodnih razgovora će obrazložiti u mišljenju;
- c) u slučaju da postoje kontradiktornosti i nejasnoće između izvještaja o upotrebi sredstava prinude u odnosu na iskaze svjedoka i lica prema kojima su upotrijebljena sredstva prinude ili u odnosu na drugu dokumentaciju i dokaze uzima se izjava na zapisnik od službenika Sudske policije koji je upotrijebio sredstva prinude u kojoj je potrebno razjasniti eventualne nejasnoće;
- d) uvid u lječarsku dokumentaciju o vrsti i stepenu povreda ukoliko ona postoji;
- e) konstatovanje eventualno nastale materijalne štete i druge posljedice koje su nastupile upotrebom sredstava prinude;
- f) preduzimanje drugih mjera i radnji u cilju potpunog utvrđivanja činjeničnog stanja o uslovima i načinu upotrebe sredstava prinude.

Član 36.

(Mišljenje o opravdanosti upotrebe sredstava prinude)

- (1) Rukovodilac osnovne organizacione jedinice u roku od tri radna dana od dana završetka smjene u kojoj su sredstva prinude upotrijebljena, sačinjava svoje mišljenje o opravdanosti upotrebe sredstava prinude, koje zajedno sa relevant-

nim dokazima za donošenje odluke o zakonitosti upotrebe sredstava prinude putem direktora Sudske policije dostavlja Sektoru za profesionalne standarde i unutrašnju kontrolu.

- (2) Mišljenje iz stava (1) ovog člana se sačinjava na obrascu iz priloga 2., koji je sastavni dio ovog pravilnika, sljedeće sadržine:
 - a) naziv organizacione jedinice,
 - b) broj i datum,
 - c) naziv akta "Mišljenje o opravdanosti upotrebe sredstava prinude",
 - d) podaci o poslovima prilikom kojih su upotrijebljena sredstva prinude,
 - e) podaci o događaju prilikom kojeg su upotrijebljena sredstva prinude,
 - f) preduzete mjere za utvrđivanje činjeničnog stanja (mjere i radnje iz člana 35. ovog pravilnika),
 - g) mišljenje o opravdanosti upotrebe sredstava prinude,
 - h) prilog,
 - i) ime i prezime i potpis nadležnog rukovodioca organizacione jedinice koji je proveo postupak utvrđivanja činjenica o upotrebi sredstava prinude i
 - j) pečat organizacione jedinice.
- (3) Mišljenjem iz stava (1) ovog člana, se iznosi stav, koji se donosi na osnovu upoređivanja utvrđenog činjeničnog stanja sa opštim principima za upotrebu sredstava prinude navedenih u ovom pravilniku.
- (4) Mišljenje iz stava (3) ovog pravilnika može da glasi da su sredstva prinude u konkretnom događaju upotrijebljena opravdano ili neopravdano.
- (5) Ukoliko službenici unutrašnje kontrole ocijene da u dostavljenim izvještajima i mišljenju postoje određene nejasnoće isti će od nadležnog rukovodioca organizacione jedinice tražiti dopunu mišljenja.

V. OCJENA ZAKONITOSTI I PRAVILNOSTI

Član 37.

(Ocjena zakonitosti i pravilnosti)

Pomoćnik direktora za profesionalne standarde i unutrašnju kontrolu, a u slučaju njegove odsutnosti ili spriječenosti ovlašteni rukovodilac koji ga zamjenjuje, donosi odluku o zakonitosti i pravilnosti upotrebe sredstava prinude u roku od sedam dana od dana prijema mišljenja iz člana 36. stav (1) ovog pravilnika, a u složenijim slučajevima u roku od petnaest dana.

Član 38.

(Osnov za donošenje odluke)

Odluka o zakonitosti i pravilnosti iz člana 37. ovog pravilnika, zasniva se na ocjeni sljedećih elemenata:

- a) Da li su sredstva prinude upotrijebljena pod uslovima propisanim Zakonom o Sudskoj policiji i ovim pravilnikom,
- b) Da li su sredstva prinude upotrijebljena na način propisan Zakonom o Sudskoj policiji i ovim pravilnikom,
- c) Da li su sredstva prinude upotrijebljena srazmjerno pruženom otporu.

Član 39.

(Sadržaj odluke)

- (1) Odluka o zakonitosti i pravilnosti upotrebe sredstava prinude sadrži: naziv organa, broj i datum, uvod, izreku, obrazloženje, preporuku, potpis službenika unutrašnje kontrole koji je proveo postupak, potpis pomoćnika direktora za profesionalne standarde i unutrašnju kontrolu i pečat.
- (2) U izreci se navode podaci o učesnicima, o događaju i da li su sredstva prinude upotrijebljena zakonito i pravilno.
- (3) U obrazloženju odluke iz stava (1) ovog člana, posebno se obrazlažu okolnosti iz člana 38. ovog pravilnika.

Član 40.

(Postupanje sa odlukom)

- (1) Odluka o zakonitosti i pravilnosti upotrebe sredstava prinude dostavlja se direktoru Sudske policije u cilju preduzimanja daljnjih mjera i radnji.
- (2) U slučaju da je donesena odluka o zakonitosti i pravilnosti upotrebe sredstava prinude, koja je ocijenjena kao nezakonita i nepravilna, direktor Sudske policije će odmah naložiti provođenje internog postupka.
- (3) U slučaju da je donesena odluka o zakonitosti i pravilnosti upotrebe sredstava prinude, koja je ocijenjena kao zakonita i pravilna, odluka se dostavlja rukovodiocu osnovne organizacione jedinice čiji su službenici upotrijebili sredstva prinude.
- (4) Rukovodilac organizacione jedinice kome je dostavljena odluka će sa odlukom upoznati službenike Sudske policije koji su upotrijebili sredstva prinude.
- (5) Na lični, pisani zahtjev lica prema kojemu je upotrijebljeno sredstvo prinude, primjerak odluke će se istom dostaviti, a u skladu sa Zakonom o zaštiti ličnih podataka.

Član 41.

(Saradnja sa drugim organima)

Rukovodilac osnovne organizacione jedinice i službenici unutrašnje kontrole će kod utvrđivanja činjeničnog stanja i ocjene zakonitosti u vezi sa upotrebom sredstava prinude, u slučaju potrebe, ostvariti punu saradnju sa nadležnim organima.

VI. EVIDENTIRANJE, ANALIZA I POSTTRAUMATSKO SAVJETOVANJE NAKON UPOTREBE SREDSTAVA PRINUDE

Član 42.

(Evidentiranje upotrebe sredstava prinude)

- (1) Odsjek za unutrašnju kontrolu vodi evidenciju o upotrebi sredstava u Sudskoj policiji;
- (2) Osnovne organizacione jedinice vode evidenciju o upotrebi sredstava prinude za svoju organizacionu jedinicu;
- (3) Evidencija iz st. (1) i (2) ovog člana vodi se na obrascu iz priloga 3. koji je sastavni dio ovog pravilnika i sadrži sljedeće rubrike:
 - a) redni broj;
 - b) broj Sp-a;
 - c) ime i prezime službenika Sudske policije koji je upotrijebio sredstva prinude;
 - d) datum upotrebe sredstava prinude;
 - e) naziv organizacione jedinice;
 - f) ime i prezime i ime jednog roditelja lica prema kojemu su upotrijebljena sredstva prinude;

- g) vrsta upotrijebljenog sredstva prinude;
- h) vrsta poslova i ovlaštenja Sudske policije;
- i) vrsta otpora;
- j) odluka o zakonitosti i pravilnosti i
- k) napomene.

- (4) U evidenciju o upotrebi sredstava prinude se pojedinačno evidentiraju podaci za svaki podneseni izvještaj o upotrebi sredstava prinude.

Član 43.

(Analiza upotrebe sredstava prinude)

Organizaciona jedinica za unutrašnju kontrolu i rukovodioci osnovnih organizacionih jedinica Sudske policije vrše stalnu analizu upotrebe sredstava prinude i periodično informišu direktora Sudske policije u vezi sa ovim pitanjem.

Član 44.

(Posttraumatsko savjetovanje nakon upotrebe sredstava prinude)

- (1) Službeniku Sudske policije koji je upotrijebio sredstva prinude, a što je za posljedicu imalo ranjavanje ili smrt nekog lica ili kad to službenik Sudske policije traži, osigurati će se povjerljivo posttraumatsko savjetovanje.
- (2) Nadređeni rukovodilac uputit će službenika Sudske policije u nadležnu zdravstvenu ustanovu, čim prije je to moguće.

VII. PRIJELAZNE I ZAVRŠNE ODREDBE

Član 45.

(Postupci u toku)

Događaji upotrebe sredstava prinude koji su nastupili prije stupanja na snagu ovog pravilnika, a u kojima nije okončan postupak izvještavanja, dokumentovanja i ocjene zakonitosti, rješavat će nadležna tijela prema odredbama propisa koji su bili na snazi prije stupanja na snagu ovog pravilnika.

Član 46.

(Prestanak važenja ranijih propisa)

Stupanjem na snagu ovog pravilnika prestaje da važi Pravilnik o upotrebi sredstava prinude, broj Su-Sp-55/11 od 04.03.2011. godine.

Član 47.

(Stupanje na snagu)

Ovaj pravilnik stupa na snagu osmog dana od dana donošenja i objavit će se u "Službenim novinama Federacije BiH".

Broj Su-sp-45/21
26. aprila 2021. godine
Sarajevo

Predsjednica
Vrhovnog suda Federacije BiH
Vesna Stanković-Ćosović, s. r.

BOSNA I HERCEGOVINA
FEDERACIJA BOSNE I HERCEGOVINE
SUĐSKA – SUĐBENA POLICIJA
Osnovna organizaciona jedinica



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
СУДСКА ПОЛИЦИЈА
Основна организациона јединица

Број: Sp- _____
„Сједиште орг. јед.“, _____ године

PRILOG 1-A

На основу члана 62. став (1) Закона о Судској полицији у Федерацији Босне и Херцеговине („Службене новине Федерације Босне и Херцеговине“, број: 77/20) и члана 32. став (1) Правилника о употреби средстава принуде, број Су-сп-___/20 од __. __. 2022. године, подносим

IZVJEŠTAJ о употреби средстава принуде

Identifikacioni podaci о службенику Судске полиције који је употребио средства принуде	
Име и презиме:	
Број службене легитимације:	
Чин службеника Судске полиције:	
Организациона јединица:	

Datum, vrijeme trajanja i mjesto upotrebe sredstava prinude	
Datum i vrijeme početka upotrebe sredstava prinude:	
Datum i vrijeme završetka upotrebe sredstava prinude:	
Mjesto događaja:	
Detaljan opis lokacije:	
Vidljivost i vremenske prilike:	

Poslovi Судске полиције приликом којих су употребљавана средства принуде (NAVESTI)

Identifikacioni podaci о licu према којему су употребијена средства принуде	
Име и презиме:	
Име једног родитеља	
Datum рођења:	
Mjesto рођења:	
Spol:	
Zanimanje i zaposlenost:	
Mjesto prebivališta ili boravišta:	
Број идентификационог документа:	

Uslov za upotrebu sredstava prinude (navesti jedan od uslova iz Zakona i Pravilnika)	
Vrsta pruženog otpora (pasivan otpor, aktivan otpor, neposredan napad, napad, samopovrjeđivanje ili bijeg)	
Vrsta upotrijebljenih sredstava prinude (navesti vrstu sredstava iz Zakona i Pravilnika)	

Priroda i težina tjelesne povrede nanесene licu prema kojemu su upotrijebljena sredstva prinude i datum, vrijeme i mjesto pružene medicinske pomoći	
Ime i prezime lica:	
Svoјstvo lica:	
Datum i vrijeme pružene medicinske pomoći:	
Mjesto-naziv ustanove u kojoj je pružen medicinski tretman:	
Priroda i težina povreda:	

Priroda i težina tjelesne povrede nanесene službeniku Sudske policije i datum, vrijeme i mjesto pružene medicinske pomoći	
Ime i prezime:	
Datum i vrijeme pružene medicinske pomoći:	
Mjesto-naziv ustanove u kojoj je pružen medicinski tretman:	
Priroda i težina povreda:	

Podaci o pričinjenoј materijalnoj šteti prouzrokovanoј uslijed upotrebe sredstava prinude

Identifikacioni podaci o svjedocima događaja	
Ime i prezime:	
Ime јednog roditelja:	
Adresa stanovanja:	
Broj identifikacionog dokumenta:	
Kontakt telefon:	

Podaci o obavještanju nadležne policijske agencije, tužilaštva i o izvršenom uvidaju na licu mjesta	
Naziv nadležnog policijske agencije i tužilaštva:	
Ime i prezime OSL-a i tužioca:	
Naredba tužioca:	
Podaci o uviđaju:	

Činjenični opis upotrebe sredstava prinude (Opisati hronološki postupak vrste, načina i intenziteta pruženog otpora i upotrijebljenih sredstava prinude)

Ћинјенићни опис употребе средстава принуде (Описати хронолоћки поступак врсте, наћина и интензитета пруженог отпора и употријебљених средстава принуде)	
Datum i vrijeme podnoћenja izvjeћtaja	potpis podnosioca izvjeћtaja
Datum i vrijeme pregleda izvjeћtaja	potpis rukovodnog sluћbenika
Napomene	

BOSNA I HERCEGOVINA
FEDERACIJA BOSNE I HERCEGOVINE
SUDSKA – SUDBENA POLICIJA
Osnovna organizaciona jedinica



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
СУДСКА ПОЛИЦИЈА
Основна организациона јединица

Broj: Sp-Click or tap here to enter text.
Click or tap here to enter text., Click or tap to enter a date. godine

PRILOG 1-B

Na osnovu člana 62. stav (1) Zakona o Sudskoj policiji u Federaciji Bosne i Hercegovine („Službene novine Federacije Bosne i Hercegovine“, broj: 77/20) i člana 32. stav (1) Pravilnika o upotrebi sredstava prinude, broj Su-sp-___/20 od __. __. 2022. godine, podnosim

IZVJEŠTAJ o upotrebi sredstava prinude

Identifikacioni podaci o službeniku Sudske policije koji je upotrijebio sredstva prinude	
Ime i prezime:	Click or tap here to enter text.
Broj službene legitimacije:	Click or tap here to enter text.
Čin službenika Sudske policije:	Choose an item.
Organizaciona jedinica:	Choose an item.

Datum, vrijeme trajanja i mjesto upotrebe sredstava prinude	
Datum i vrijeme početka upotrebe sredstava prinude:	Click or tap to enter a date.
Datum i vrijeme završetka upotrebe sredstava prinude:	Click or tap to enter a date.
Mjesto događaja:	Click or tap here to enter text.
Detaljan opis lokacije:	Click or tap here to enter text.
Vidljivost i vremenske prilike:	Click or tap here to enter text.

Poslovi Sudske policije prilikom kojih su upotrebljavana sredstava prinude (OZNAČITI)	
<input type="checkbox"/> prikupljanje informacija; <input type="checkbox"/> dovođenje osumnjičenih, optuženih lica, svjedoka i vještaka; <input type="checkbox"/> lišenje slobode osuđenih lica i lica kojima je određena mjera pritvora; <input type="checkbox"/> sprovođenje lica lišenih slobode; <input type="checkbox"/> zadržavanje lica lišenih slobode; <input type="checkbox"/> provođenje sudskih odluka; <input type="checkbox"/> fizička i tehnička zaštita objekata i imovine pravosudnih institucija i Sudske policije;	<input type="checkbox"/> održavanje reda u sudnicama i drugim prostorijama ili prostorima kojim se osigurava uspješnost vođenja odgovarajućeg postupka; <input type="checkbox"/> fizička i tehnička zaštita nosilaca pravosudnih funkcija, njihove imovine i članova uže porodice; <input type="checkbox"/> zaštita svjedoka; <input type="checkbox"/> izvršavanje drugih naloga pravosudnih institucija, kojim se osigurava uspješno vođenje odgovarajućeg postupka i <input type="checkbox"/> drugi poslovi.

Identifikacioni podaci o licu prema kojemu su upotrijebljena sredstva prinude		
Ime i prezime:	Click or tap here to enter text.	
Ime jednog roditelja	Click or tap here to enter text.	
Datum rođenja:	Kliknite ili dodirnite ovdje da biste unijeli datum.	
Mjesto rođenja:	Click or tap here to enter text.	
Spol:	<input type="checkbox"/> Muški <input type="checkbox"/> Ženski	
Zanimanje i zaposlenost:	Click or tap here to enter text.	
Mjesto prebivališta ili boravišta:	Click or tap here to enter text.	
Broj identifikacionog dokumenta:	Click or tap here to enter text.	
Uslov za upotrebu sredstava prinude (OZNAČITI)		
1) Uslovi za upotrebu vatrenog oružja	2) Uslovi za upotrebu drugih sredstava prinude	
<input type="checkbox"/> zaštititi svoj ili život drugog lica, a trenutne okolnosti ukazuju na direktno prijeteću smrtnu opasnost ili nanošenje ozljede opasne po život ili zdravlje; <input type="checkbox"/> odbiti neposredni napad kojim se ugrožava njegov život ili život drugih lica koje je dužan štititi; <input type="checkbox"/> odbiti neposredni napad na objekat koji je dužan štititi, ako se tim napadom ugrožava njegov ili život lica koje je dužan štititi; <input type="checkbox"/> spriječiti bijeg osumnjičenog, optuženog ili osuđenoga, ako posebne okolnosti ukazuju da će to lice ugroziti živote drugih lica.	<input type="checkbox"/> da spriječi napad na službenika Sudske policije; <input type="checkbox"/> da spriječi napad na lice koje je dužan štititi; <input type="checkbox"/> da spriječi otpor lica prema kojemu se izvršava nalog; <input type="checkbox"/> da spriječi otpor lica koje ometa izvršenje službenog zadatka; <input type="checkbox"/> da spriječi bijeg lica; <input type="checkbox"/> da spriječi samopovrjeđivanje lica; <input type="checkbox"/> da spriječi prouzrokovanje materijalne štete na objektima i drugoj imovini koju osigurava.	
Vrsta pruženog otpora (OZNAČITI)		
<input type="checkbox"/> Pasivan otpor <input type="checkbox"/> Aktivni otpor	<input type="checkbox"/> Neposredan napad <input type="checkbox"/> Napad	<input type="checkbox"/> Samopovrjeđivanje <input type="checkbox"/> Bijeg
Vrsta upotrijebljenih sredstava prinude (OZNAČITI)		

<input type="checkbox"/> sredstva za vezivanje <input type="checkbox"/> fizička snaga <input type="checkbox"/> ručni sprej sa nadražujućim dejstvom <input type="checkbox"/> službena palica, <input type="checkbox"/> sredstva za privremeno onesposobljavanje, <input type="checkbox"/> službeni psi	<input type="checkbox"/> sredstava za prisilno zaustavljanje lica <input type="checkbox"/> sredstva za prisilno zaustavljanje vozila <input type="checkbox"/> hemijska sredstva za privremeno onesposobljavanje lica <input type="checkbox"/> eksplozivne naprave i druga sredstva za prinudno otvaranje prostorija <input type="checkbox"/> vatreno oružje
---	---

Priroda i težina tjelesne povrede nanese licu prema kojemu su upotrijebljena sredstva prinude i datum, vrijeme i mjesto pružene medicinske pomoći	
---	--

Ime i prezime lica:	Click or tap here to enter text.
Svojestvo lica:	Click or tap here to enter text.
Datum i vrijeme pružene medicinske pomoći:	Click or tap here to enter text.
Mjesto-naziv ustanove u kojoj je pružen medicinski tretman:	Click or tap here to enter text.
Priroda i težina povreda:	Click or tap here to enter text.

Priroda i težina tjelesne povrede nanese službeniku Sudske policije i datum, vrijeme i mjesto pružene medicinske pomoći	
---	--

Ime i prezime:	Click or tap here to enter text.
Datum i vrijeme pružene medicinske pomoći:	Click or tap here to enter text.
Mjesto-naziv ustanove u kojoj je pružen medicinski tretman:	Click or tap here to enter text.
Priroda i težina povreda:	Click or tap here to enter text.

Podaci o pričinjenoj materijalnoj šteti prouzrokovanoj uslijed upotrebe sredstava prinude	
Click or tap here to enter text.	

Identifikacioni podaci o svjedocima događaja	
--	--

Ime i prezime:	Click or tap here to enter text.
Ime jednog roditelja:	Click or tap here to enter text.
Adresa stanovanja:	Click or tap here to enter text.
Broj identifikacionog dokumenta:	Click or tap here to enter text.
Kontakt telefon:	Click or tap here to enter text.

Podaci o obavještanju nadležne policijske agencije, tužilaštva i o izvršenom uvidaju na licu mjesta	
---	--

Naziv nadležnog policijske agencije i tužilaštva:	Click or tap here to enter text.
Ime i prezime OSL-a i tužioca:	Click or tap here to enter text.
Naredba tužioca:	Click or tap here to enter text.
Podaci o uvidaju:	Click or tap here to enter text.

Činjenični opis upotrebe sredstava prinude (Opisati hronološki postupak vrste, načina i intenziteta pruženog otpora i upotrijebljenih sredstava prinude)	
--	--

Click or tap here to enter text.	
----------------------------------	--

Ћинјенићни опис употребе средстава принуде (Описати хронолоћки поступак врсте, наћина и интензитета пруженог отпора и употријебљених средстава принуде)	
Datum i vrijeme podnoћenja izvjeћtaja	potpis podnosioca izvjeћtaja
Kliknite ili dodirnite ovdje da biste unijeli datum.	Click or tap here to enter text.
Datum i vrijeme pregleda izvjeћtaja	potpis rukovodnog sluћbenika
Kliknite ili dodirnite ovdje da biste unijeli datum.	Click or tap here to enter text.
Napomene	
Click or tap here to enter text.	

BOSNA I HERCEGOVINA
FEDERACIJA BOSNE I HERCEGOVINE
SUDSKA – SUDBENA POLICIJA
Osnovna organizaciona jedinica



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
СУДСКА ПОЛИЦИЈА
Основна организациона јединица

Број: Sp- _____
„Сједиште“, _____ . године

PRILOG 2.

На основу члана 36. став (1) Правилника о употреби средстава принуде број Su-sp-____/21 од _____ . године (руководилац основне организационе јединице), саčinjava

MIŠLJENJE

о оправданости употребе средстава принуде

Podaci o poslovima prilikom kojih su upotrijebljena sredstva prinude

Podaci o događaju prilikom kojeg su upotrijebljena sredstva prinude

Preduzete mjere za utvrđivanje činjeničnog stanja

Mišljenje o opravdanosti upotrebe sredstava prinude

Prilog:

RUKOVODILAC
„čin“

(ime i prezime)

M.P.

PRILOG 3.
(Naslovna stranica evidencije)

EVIDENCIJA
O UPOTREBI SREDSTAVA PRINUDE

(Prva stranica evidencije)

OVA EVIDENCIJA SADRŽI UKUPNO 100 (SLOVIMA: STOTINU) LISTOVA.
STROGO SE ZABRANJUJE BILO KOJI VID OŠTEĆENJA ILI KIDANJA LISTOVA.

POTPIS ODGOVORNOG LICA

M.P. _____

(Sadržaj evidencije)

(Опис евиденције)

EVIDENCIJA O UPOTREBI SREDSTAVA PRINUDE:

- Evidencija o upotrebi sredstava prinude se израђује у величини „А4“ формата, оријентисана хоризонтално, уезана тврђим уезом, шивено;
- Тврди уез мора бити тамно плаве боје;
- На предњој страници тврђог уеза, на средини истог гледajuћи по висини и ширини, има бити исписан назив евиденције, великим штампаним словима бјеле боје. Минимална дебљина тврђог уеза мора бити 2,00 mm.
- На првој страници евиденције у горњем десном углу има бити исписан текст као што је наведено у дијелу прва страница овог прилога, док друга страница има бити празна;
- Listovi евиденције требају бити израђени од бјелог глатког папира тежине 80 g/m², те садржај евиденције мора бити одштампан на обје странице listova (двострано), а странице истих поћев од другог lista морају бити номерисане у доњем десном углу, numeracijom од редног броја 1.;
- Потребно је да евиденција садржи минимално 100 (словима: стотину) listova.